




王燕來 選編

# 歷代書畫錄續編

第十五冊

國家圖書館出版社

遲鴻軒所見書畫錄卷一

歸安楊 峴庸齋編輯

馮源濟字胎仙順天涿州人馮銓子順治乙未翰林書法南宮畫宗北苑  
世篤收藏家泐快雪堂法帖稱涿榻本清初移石入閩稱建榻後貢內  
府有高聖御跋遂稱內榻余藏有綾本行書七律四首立幀欸署子綸  
道丈假歸臨別贈言依韻和禽云云吳子復太守藏有青綠仿北苑雲  
山立幀屢欲乞歸未允不審何時能再結一重畫緣否

馮景夏字伯陽號樹臣浙江桐鄉人康熙癸未舉人官刑部侍郎山水宗  
思白年登大筆尤精小楷上覽其畫定爲逸品耆少峰觀察藏有墨山  
水小卷氣韻精采落筆自矜瑛蘭坡中丞藏有仿思翁雲山亭子便面

乾濕互用風韻蕭然心泉上人藏有墨山水小冊八葉尤爲高逸錢陳羣跋半葉

馮敏昌字伯求號魚山廣東欽州人乾隆戊戌翰林改戶部主事書法二王善寫松竹蘭卉著河陽金石錄文章心印小羅浮草堂諸集文春園直刺藏有大行楷大橫幅何伯瑜處士藏有小行書梓人傳卷近瘞鶴銘法

馮承輝字承伯號少眉江蘇婁縣人歲貢生工篆刻人物花卉晚年寫梅號梅花畫隱余外舅張溫公極推服之著古鐵齋詞鈔印譜印學管見歷朝印識兩漢碑跋琢玉小志樓風草堂詩稿韓角邑比部藏有七行篆書大幀張子和比部藏有墨梅大卷溫公題識弟有光字星仲

貢生畫梅師冬心夫婦皆以鑑賞娛情張子和比部藏有紅綠梅花絹本卷倔強孤高幾抗冬心行書七絕二首識語三行亦頗古雅

馮金伯字冶堂號南岑江蘇南匯人官句容訓導喜書畫著墨香居畫識兩種頗資鑑賞考核余藏有行楷便面法率更而兼華亭子是蕙字棉莊秉庭訓工寫花鳥以俟過目

馮津字雲槎浙江桐鄉人官雲南劍川知州工書畫精鑑賞富收藏著論畫編畫家姓氏便覽家西園主人藏有論定九龍山人畫尺牘一通約百餘言牋紙長三尺許詞旨精確筆意舒秀兼趙董兩家

童鈺字二如一字二樹號札巖一號借庵子浙江山陰人家貧以畫給書法右軍寫梅宗楊无咎山水竹蘭師梅道人工詩詞袁枚極重之爲梓

其二樹山人集心泉上人藏有墨筆仿仲圭山水立幀亦頗奇致倪小  
舫署正藏有墨梅大屏八幀以古健另樹一幀古肆見有墨竹蘭石立  
幀極剛建姿草書七絕一首

熊方受字介茲號夢庵廣西永康人乾隆庚戌進士官山東兗沂道書法  
歐董擅用濃墨著偶園詩草古肆見有行楷賤紙冊

洪亮吉原名禮吉字穉存號又蛄江蘇陽湖人乾隆庚戌探花授編修以  
言事遣戍伊犁釋歸自號更生居士篆法李陽冰兼隸書工詩詞文著  
附蛄軒菴菴閣更生齋等集輯北江詩話韓芸孫署正藏其祖芸昉中  
丞欸五行篆書大幀余藏有 先曾祖自東公欸行書錄舊作詞八闕  
橫幅又篆書友于堂匾額

洪範字石農安徽休甯人官山東兗沂道工山水蘭竹許醴泉齋尹藏有絹本設色山水冊款署摹古十二幀於任城官舍畧似耕煙李梅卿比部藏有風篁煙篠大幀金學蓮題七絕二首

洪承祖字靈士號林士一號紫霞山人安徽歙縣人工花卉在白陽南田之間別存蹊徑吳定甫刺史藏有設色花卉卷幽逸之氣撲人眉宇鈕叔聞駕部藏有設色花木小冊意極疎雅

翁嵩年字康飴號蘿軒浙江錢塘人康熙戊辰翰林工山水著天香書屋稿白雲山房友石居諸集余藏有墨山水便面作年七十一歲以枯瘦之筆不犯作家習氣洵高致也

翁方綱字正三又字忠敘號覃溪一號蘇齋順天大興人乾隆壬申翰林

官內閣學士書法永興工篆隸精考證金石著復初齋全集歷代名人年譜平生鉤勒碑版甚夥凡翁刻者皆精陳詩庭孝廉藏有臨化度寺碑冊欸晉癸巳冬日摹第二十一通家西園主人藏有真草隸篆鐘鼎文字冊實精絕罕作之品又隸書遊潭柘寺和韻七律大橫幅書年八十三歲余藏有臨杳光虞書小楷冊仍是永興凝重意書於山左試院又次曹儷笙太傅詩韻行楷寬橫幅又春江花月圖小照題詩橫幅欸署春潭云云古肆見有隸書王昶墓表銘大幅尙未裝池也

翁樹培字宜泉方綱子乾隆丁未翰林官刑部郎中工篆隸尤擅摹鐘鼎文字嗜金石著宜泉錄心泉上人藏有摹寫商周彝器文字立幀朱次卿司訓藏有隸書四行屏六幀

翁廣平字梅邨江蘇震澤人道光元年舉制科山水師婁東工篆隸陳鶴  
丹明府藏有設色山水便面子雒字穆仲號小海一號小梅工花鳥草  
蟲心泉上人藏有設色花鳥短屏四幀許醴泉齋尹藏有花卉蟲魚絹  
本冊極臻物趣

宮國苞字霜橋江蘇泰州人工蘭卉英廉推重之余藏有墨蘭立幀其後  
人子行明府名本昂爲山左牧令近代收藏家也耳其名者廿餘年余  
亦曾往山左惜未覩面而得縱觀其所藏

龔鼎孳字孝升號芝麓安徽合肥人崇禎戊辰翰林清朝官刑部尙書諡  
端毅工詩詞書畫著定山堂集高懿伯駕部藏有小行楷錄舊作詩冊  
脫去楷習別饒趣旨

龔賢字豈賢號半畝一號半千又號野遺晚號柴丈人江蘇崑山人爲金陵八家之一山水宗北苑擅焦墨著畫訣香葉草堂等編家西園主人藏有墨筆江干獨釣圖金牋立幀愈濃厚愈見骨采余藏有墨山水大幀欸署一翁社長仿北苑最爲靈傑世傳有墨無筆者概皆贗鼎也龔翔麟字天石號衡圃晚號山居士浙江仁和人康熙辛酉副貢生官御史工詩翰著田居詩稿幀紅藕莊詞選心泉上人藏有董文敏設色山水卷有其小行楷詩跋二十一行

鍾仁字壽民浙江石門人工小楷學晉人山水極高有元人氣息瑛蘭坡中丞藏有小楷節書佛遺教經便面

佟毓秀字鍾山湖北駐防漢軍正藍旗人官甘肅巡撫山水宗倪迂曩游

古肆得墨山水冊十葉靈髻清疏款署擬迂老意寫放翁句途遇宜春字少司農相與鑑賞遂携去而自償值矣

江介原名鑑字石如浙江錢塘人花木書法皆近南田梁同書推重之程仲立太守藏有設色歲朝圖長幀賦色妍雅

江聲字叔澐一字鯨濤號艮庭江蘇元和人精說文工書善尺牘著尙書集注音疏經史子準繩論語族質恆星說晚年舉孝廉方正家西園主人藏有行楷尺牘一通歷歷數百言吳修跋識

江清驥字小雲號頤園浙江錢塘人道光庚子舉人官江蘇常鎮道工篆隸行草家君七十歲壽屏出其隸書余藏有臨書譜屏四幀又篆書五行立幀

龐塏字霽公號雪崖直隸任邱人康熙乙卯舉人薦鴻博授檢討官福建建甯知府工詩文詞翰著叢碧山房集王信甫比部藏有小行楷自錄舊作冊十葉附葉邊浴仁跋九行

祁豸佳字止祥號雪瓢浙江山陰人天啟丁卯舉人官吏部司務鼎革後隱梅市工花卉山水古肆見有設色花卉絹本直幀

祁寯藻字叔穎一字實甫號春浦晚號觀齋山西壽陽人嘉慶甲戌翰林官大學士謚文端書法誠懸參以魯直藏書甲山右著馥猷亭詩集張子和明府藏有和溫公雪浪盆詩小行書卷中旭亭比部藏有四色牋楷書格言屏四幀款署夫子蓋公爲申文恪公啟賢所得士也余家藏有臨十七帖大幀先伯問樵公欸古肆見有臨二王三帖冊欸署咸

豐紀元春日

伊秉綬字組似號默庵一號墨卿福建寧化人乾隆己酉進士官江蘇揚州知府書法李西涯尤工古隸爲當代能手著留春堂詩集曾奎巢侍御藏有和張船山驛柳詩行書卷欸署花溪老伯命和韶州舟次呈稿趙搗叔明府藏有三行隸書大屏六幘張珪農水部藏有紙本大屏隸書兩幘行書兩幘欸署茶山云云家西園主人藏有小行書冊八葉意擬誠懸極圓轉之妙又隸書四行大幘時欸一行欸署蓮波觀察子念曾字少沂號梅石官浙江處州同知工篆隸鐫刻兼寫山水梅花楊少初太守藏有墨梅大幘隸書七絕二首行書時欸一行

司馬鍾字子英號秀谷一號繡谷又號繡鵠別號紫金山樵江蘇上元人

官直隸河工州判工山水人物花鳥以蒼勁變格楊少初太守藏有設  
色花鳥蔬果蟲魚大冊百葉精神會聚靡有雷同家西園主人藏有設  
色山水冊八葉雖署各摹一家仍係本色卓岷原比部藏有壽海颿相  
國明良喜起圖大幀時款辛丑心泉上人藏有墨鈎瘦馬立幀款署潤  
埜侍郎余藏有松鷹便面乃世父所遺款署君子之秉正嫉邪如鷹鷂  
之逐雀寫爲雲門七弟異日期之時乙卯秋七月既望又有海棠翠羽  
立幀款署道光壬辰春日擬漢陽太字意正中年佳作無悍霸習也  
韋光黻字君繡號漣懷又號洞虛子江蘇長洲人工書秦瀛極推重之著  
在山堂集家西園主人藏有行楷岳陽樓記大卷

歸莊初名祚明字元恭號恆軒江蘇崑山人昌世子與顧炎武友善有歸

奇顧怪之目工草書著懸弓集萬古愁傳奇論者稱爲離騷天問一種  
手筆古肆見有行草懷人詩綾本立幀筆法遒勁氣味高逸定爲明末  
人書欸署元蒸二字鈴以鼎式印章極古雅而文模糊莫辨或卽其人歟  
徐樹丕字武子號牆東居士江蘇長洲人明諸生工隸楷著中興綱目識  
心泉上人藏有宋楊雲庵碑有其隸書跋三葉歸馮展雲中丞瑛蘭坡  
中丞藏有小楷金牋便面純法鍾元常

徐枋字昭法號澗上又號秦餘山人雪牀庵主人江蘇吳縣人崇禎壬午  
舉人書法二王山水宗荆關兼工花木夙以孝稱著俟齋集居易堂集  
二十一史文彙潘星齋少宰藏有墨筆深山讀易圖紙本大幀禿筆細  
皴平遠險易布置深邃家西園主人藏有墨筆羣仙拱壽圖花木大幀

用筆古健極有鋒稜弟柯字貫時號東海得其法居二株園爲詩畫會著一老庵集姚仲海農部藏有自寫二株園第二圖卷長約三尺一時題詠凡九段惜出觀時爲俗子敗意僅記末有潘奕雋跋一段

徐蘭字芳若號芝仙順天通州人工花卉從安郡王出塞書出塞圖詩芝仙書屋集余家藏有設色海棠丁香紙本立幀弱極生動不徒以敷染見長每當春季懸諸壁間與瓶中所插二花掩映爭妍當時好遠遊所作皆散帙四方至今搜求不易

徐方字允平號鐵山一號亦舟江蘇常熟人山水以清麗遜王翬改畫馬特臻神妙周荇農少司農藏有設色春郊試馬圖絹本卷筆意雖平迥非耕煙蹊逕益見昔人之立志也

徐鉉字電發號拙存又號虹亭晚號楓江漁父江蘇吳江人薦鴻博授檢討工山水詩古文詞著南州草堂集菊莊詞潘蓮舫光祿藏有墨筆山水殘冊二葉文人雅製俗手弗能擬及也

徐玟字采若號華塢江蘇吳縣人王翬弟子兼工花卉增芝田觀察藏有仿李營邱墨筆寒林圖寬幀張子和比部藏有設色荔支青鳥立幀

徐用錫字壇長號畫堂江蘇宿遷人康熙乙丑翰林官侍講工書家西園主人藏有行書洛神賦小冊直逼思翁

徐昂發字大臨號畏壘江蘇長洲人康熙庚辰翰林授編修工書著畏壘山人集余家藏有小行書詩卷頗具古意

徐溶字雲蒼號杉亭一號白洋散人江蘇吳江人山水私淑王原祁何伯